

5  
C O N C I O

DOCTORIS PETRI

FONTIDONII HISPANISEGOBIEN.

THEOLOGI ILLVSTRIS. AC REVEREND.

D. Petri Goncalcz de Mendoza,

Episcopi Salmantini.

HABITA AD SACROSANCTAM  
SYNODVM TRIDENT.

DOMINICA SANCTISS.

TRINITATIS.

XXIIII. Maii. MDLXII.



PATAVII

Ex officina Laurentii Pasquatii & Sociorum.

MDLXII.

5

COPIES

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

# CONCIO DOCTORIS PETRI

FONTIDONII, HISPANI, SEGOBIIENSIS,

THEOLOGI, ILLUSTRIS. AC REVEREND.

Petri Gonzalez de Mendoza, Episcopi Salmantini habitae  
ad sacrosanctam Synodum Tridentinam Dominica  
sanctissime Trinitatis Vigesima quarta  
Maij. Anno. 1562.

Absque Synagogis facient uos. Ioan. 16.



**S**I CUM rudes, et populares homines, euangelicis præceptis instituendi, et amore uirtutis inflammandi sunt, a magnis etiam, et excellenti ingenio atque doctrina uiris, in ipso statim concionis ingressu, atque uestibulo, diuini numinis fauor implorari consuevit: quanto maiori ratione hodierno die, et mihi et in hoc theatro sapientiae, et apud ecclesiae principes, et de re omnium grauissima et difficillima dicenti, omnia erunt inuocanda coelestia patrocinia, et diuinus animorum medicus, atque magister Christus, precibus erit sollicitandus: Ut illos in nobis spiritus ad dicendum accendat quos huic tantae provinciae uidet esse necessarios, quos ut facilius obtinere ualeamus, illius matrem sanctissimam, uirginem Mariam, solitis illis officiosissimis, iucundissimisque angelicis salutationis uerbis interpellemus dicentes. Ave Maria.

Absque Synagogis facient uos. Ioan. 16.

**C**UM nihil sit præstantius amabiliusque ueritate illustris. Legati Reuerendissimi. Patres, cuius amore incensi et inflammati mortales, nullis ut eam assequerentur laboribus parcendum, sed uota studiaque omnia illi consecranda, immo totas suas aetates plerique, in eius inuestigatione contereudas iudicauerint: mirum profecto mihi saepe uideri solet unde tan subito contra ueritatem tantum odium exarserit ut cuius tanto studio et cupiditate antequam esset inuenta homines tenebantur, eam in lucem iam editam tam acerbo et intestino odio prosequerentur. Neque enim Christum seruatorem nostrum uideque magistrum alio nomine perditum et profligatum homines tam acriter infectati sunt, quam quod cum ipse ueritas esset, se ueritatem appellauerit, et ueram recte sentiendi optimeque uiuendi uiam innocentissima uita et coelesti sapientia mortalibus patefecerit: neque

Ioan. 14.

quidpiam aliud contra illius discipulos acerrimos ueritatis patronos ueterum tyrannorum carnificinas quam odium ueritatis armauit. Quod si ueterem etiam rerum gestarum memoriam iam inde ab initio ad hæc usq; nostra infelicitissima tempora repetamus, inueniemus plane & ueritatem ipsam inuisam senper fuisse mortalibus, & eos qui illius causam patrociniūq; susceperunt & publico odio conflagrasse, & impios contra se sceleratum hominum animos, armaq; mouisse. Hinc prophetarum fuga, exilium, cruciatus interitusq; promanarunt. Hinc uideas Michæam odio habitum, Hieremian in carcerem terribilimum detrusum, Heliam sanctissimum uirum aperditissima scemina iudignis modis uexatum, Zachariam Ioadæ filium lapidibus obrutum, Esaiam serra confectum Crudelissime trucidatum, cœlestemq; illum præconem Ioannem Baptistam obruncatum, eiusq; caput uenerandum impudentissimæ saltatrici tanquam impudentiæ præmium atq; mercedem exhibitum. Sed nihil mirandum est, pugnat enim ueritas cum hominum sceleribus, cum ambitione, superbia, auaritia, cum omni genere improbitatis bellum gerit, tot habet hostes quot uitia: tum uero principem ipsum meudatijq; parentem demonem sibi insensibilem, quo fit ut non potuerit dignitatem suam citra puluerem & sanguinem conseruare. Accerrimos igitur perpetuo & innumerabiles hostes paucissimos uerò patronos & defensores adeptæ, sic semper infestas & inimicas mortalium mentes experta est, ut mihi quidem totum penè orbem contra ueritatem pugnassee, & odium simul cum illa natum & educatum eius semper socium atque comitem extitisse uideatur. Etenim antiquis temporibus ante aduentum Christi sceleratissimum, cum homines non expressam aliquam ueritatis imaginem, sed quasdam illius umbras, uestigiaq; sequerentur, non tamen defuerunt qui illas etiam umbras & odio haberent & accerrime insectarentur: Nam si qui tum magni & excellentes homines uirtute atque sapientia floruerunt, qui ueritatis amore flagrant, illius uindices & assertores esse uoluerunt, ij plane ceteris inuisi, multis sæpe incommodis, & contumelijs affecti sunt: sed cum non satis essent ad illius defensionem animati, qui honorem uitamq; suam illius dignitati anteferebant ducerent, molles & delicati patroni, eius causam turpiter prodiderunt. Vexata ergo tunc, afflicta, & exagitata ueritas, cum nullum locum in terris in quo respirare, nullum certum domicilium, nullam sedem tectam satis, atque muniam inueniret, in qua dignitatem suam illam, & inuiolatam contra hominum insidias conseruaret, quemadmodum incorruptissima illa uirgo iuuentutis relictis tribunalibus iudicum in cœlum, sic ueritas destitutis gymnasiis philosophorum, cætuque hominum, in supernas sedes, in gremium, statimq; diuinum, unde fuerat egressa conuigravit. Totus igitur terra

3. Re. 12.

Hier. 38.

3. Re. 19.

2. Para.

14.

rum orbis densissima quadam & flagitiorum & ignorantie caligine circumseptus, luce & splendore ueritatis orbatus, in tenebris uersabatur, quo: siue confecto iam atque de curso, illo temporis spatio quod diuina bonitas afferenda hominum libertati, implendisq; suis sollicitationibus, promissisq; prefixerat: filium unigenitum hoc est ipsam ueritatem humana carne indutam, mortaliq; conditione natam legauit ad terras: quae hominum animos a tenebris errorum, ad ueritatis lucem; a turpissimis moribus, ad honestam uitam; a miserrima seruitute, ad dulcissimam libertatem; a cupiditate rerum abiectissimarum, ad coelestium ac diuinarum contemplationem, amore nq; traduceret: quae deorum simulacra efanus expelleret: quae templum illi sanctissimum consecraret: quae aram non iam hominum uel animantium, sed suo ipsius sanguine madentem, erigeret: quae iter mortalibus ad immortalitatem, ueranq; religionem ueluti digito com monstraret. Sed o caecas atque peruersas hominum mentes, quae uon modo tantum, tanq; praeclarum Dei beneficium non agnouerunt, sed ingratisimè repudiarunt: qd non repudiarunt modo, sed inaudito quoddam odio prosequute, acerbissimis opprobrijs, & crudelissima morte ipsam ueritatem affecerunt. Nam cum ob diuturnam errandi consuetudinem, homines suis iam tenebris gauderent, & delectarentur, non poterant tantum ueritatis lumen sustinere: & quemadmodum qui diu in tenebris iacuerunt, ab illis extracti, splendidissimam lucem solis, sine grauissima offensione ferre non possunt, sed illius suauissimo, & candidissimo splendore uehementer offendantur atque cruciantur: sic illi ueritatis lucem sese ultrò illorum animis inferentem, sed tamen cum eorum erroribus, cupiditatibusq; pugnantem turpiter reiecerunt; multoq; magis homines in eam seuire coeperunt cum eam magis amare, & uenerari debuissent: uulgoq; tempore tantum odij & persecutionum incendium contra ueritatem est excitatum, quam eo quo illa magis coepit de mortalibus bene mereri. Testes sunt contumeliae, maledicta, cruciatus, morsque acerbissima Christi, Testes sunt carceres, catenae, equulei, ignes, gladij, crateres, secures, laminae ferreae, reliquaq; tormentorum genera, quae tyrannorum crudelitas contra ueritatis propugnatores excogitauit. Cum ergo haec omnia Christus uitae magister se cum tacita mentis cogitatione perpenderet, cum uideret calamitosum illud, tristissimumq; suae mortis tempus instare, cumque tota illa acerbissima malorum tragedia, quae charissimis suis apostolis imminabat ante illius diuinos oculos uersaretur, maiorem animo dolorem de illorum calamitatibus, quam de sua ipsius morte concipiens, illos hodierno sermone consolatur, impendentia mala praedicat, & ut prauiis malis minus offenderentur, & corum acerbicatem illo uaticinio aliqua ex parte mitigaret: attendite (in

- Ioan. 16.** quit) discipuli mei charissimi absque synagogis facient uos, uos homines summo & infinito quodam odio prosequuntur, uos templis exterminabunt, & consuetudine hominum expellent, contumelijs efficient, omni crudelitatis genere uexabunt, immaniter interficient, & quod est acerbius qui uitam uobis eripuerint, gratissimas se Deo hostias immolasse arbitrabuntur, sed obsecro uos subeat tunc mei memoria atq; recordatio, quem uobis priorem
- Ioan. 15.** mundus odio, & acerbissimis est contumelijs persecutus. Quod si me magistrum, si seruatorem, si ipsam deniq; ueritatem tam inimice sunt infectati, quid mirum si uos, & discipulos meos, & ueritatis etiam defensores exagitent? Sed quoniam uidebat illos nunc infantium more non posse omnia ar-
- Ioan. 16.** cana diuina complecti. (nam illis paulo post dixit) multa habeo uobis dicere, sed non potestis portare modo, quia nouerat eos non posse tanto animi robore malorum impetus sustinere: nam Petri nimiam illam confidentiam illis antea uerbis represserat, non potes me sequi modo: & ascensus in Caelum discipulos suos Hierosolymis sedere iussit, donec caelesti induerentur uirtute, quia illorum infantiam & imbecillitatem cognitam & exploratam habebat: ut eos quos suae diuinitatis testes & gloria praecones esse uolebat, contra tot procellas & tempestates, fortissimo aliquo patientiae praesidio, caelesti patrocinio, & spe felicitatis armaret: nunc illis spiritum sanctum pollicetur, cuius praesentia non modo non reformidabunt pericula, neq; truces tyrannorum uultus exhorrescent, sed alacri & leto animo se in ipsas crudelissimae mortis fauces, pro Christi gloria, & ueritatis defensione conijciant, a quo non modo illorum mentes aptae atq; capaces ad excipienda
- Act. 2.** diuina illa mysteria redderentur, sed linguas etiam igneas acciperet, quibus diuina consilia mortalibus explicarent, frigida hominum pectora, amore rerum caelestium atq; diuinarum incenderent, omnes gentes atq; nationes sub euangelij iugum mitterent, & in ultimos orbis angulos atq; recessus crucis uexillum, & lumen ueritatis inferrent. Quae quidem omnia sic euenisse statuit ille praedixerat ipse rerum exitus declarauit: Nam cum de morte parata uictoria captiuam duxisset captiuitatem, & gloriosissimum triumphum in caeleste capitolium (mirantibus angelis) intulisset, misso spiritu sancto, suorum discipulorum animos sic confirmauit, ut ille qui paulo ante ad unius ancillae uocem contremiscebat, iam audeat in principum conspectu loqui confidenter, illis exprobrare perfidiam, illorum imperia iussq; contemneret dicens. obedire oportet Deo magis quam hominibus, & non possumus
- Act. 5.** quae uidimus & audiimus non loqui, & reliquis etiam apostolis quibus antea uel ipse magistratum conspectus erat formidabilis nunc tormenta gratissima, accusatio iucunda, dolor uoluptas, poena felicitas, dulcis infamia uidebatur; usque adeo ut summae felicitatis loco ducerent, se dignos existima-



mari qui pro Christo contumelijs afficerentur. O diuina uirtus, & inaudita apostolorum constantia. O paterna clementia, & iucredibilis misericordia summi Dei, qui cum paulo ante filium charissimum infinitis opprobrijs affectu, uulneribus transfixum sanguine perfusum tot plagis cassum ut toto corpore humanae crudelitatis uestigia conspicerentur e terris ad se redeuntibus suis manibus exceperisset. Nunc mortalibus tanquam bene de se meritis miserit spiritum sanctum, ut hostium, et suorum, quorum filius fuerat seruator doctor ille nunc atque consolator extitisset. E docti ergo fuerunt apostoli atque confirmati diuinitus: haec duo illis officia praestitit spiritus ille coelestis, nam et illis aperuit diuina consilia, et eorum animos ita fortes redidit, atque constantes, ut nullis periculis aut calamitatibus frangerentur; de quibus duabus rebus nobis hodie dicendum est: Nam primo de illo abditissimo sacrae triadis mysterio pauca dicemus, quod quia magnopere spiritus sancti praesidio et lumine indigebat, statim post illius aduentum Ecclesia celebrandum curauit, deinde uero illud Christi uaticinium interpretabimur Absque Synagogis facient uos. Quod quantum uim passura esset ueritas euangelica significauit. Quapropter uos obsecro atque obtestor sanctissimi Patres, ut qua soliti estis ceteros attentione, et beneuolentia, nunc etiam me dicentem excipiat.

Act. 5.

INTER Reliqua abstrusiora mysteria quae Christus Op. Max. spiritui sancto explicanda suis apostolis reseruauit, illud est longe ceteris excellentius atque diuinius, et quod humanae, angelicaeque mentis superet cogitationem, quod hodierno die tanta frequentia, laetitia, et exultatione christiani celebramus: sacrae inquam triadis arcanum. de quo quis erit tan audax et emotus mentis, qui in hoc orbis gentium clarissimo sanctissimoque domicilio in conspectu inquam uestro dicere audeat? Nam cum tria sint quae de re quauis queri soleant, an sit, quid sit, et qualis res sit, si reperti sunt qui Deum esse negauerint, et cum coeli enarrent gloriam Dei, cum clamet haec pulcherrima, mundi machina, tanta rerum uarietate et splendore nitens, cum clamet haec splendidissima Coeli facies, tot ardentibus syderibus, tanquam quibusdam fascibus luminibusque distincta, cum clamet aer tot auium, uastissimum mare tot piscium generibus refertum, terra tot animantium frequentia, fontibus, fluminibus, et arboribus exornata, cum omnia denique quae hic mundi ambitus complectitur, apertissima uoce testentur, esse aliquam uim caelestem quae rebus prospiciat humanis, tantumque et tam praeclearum opificium rectore aliquo et gubernatore carere non posse, non tamen defuere surdi, caeci, et improbiissimi philosophi qui neque has uoces exauderent, neque hanc tantam lucem uiderent, neque moderator esse aliquem confiterentur, qui totius orbis clauum imperiumque teneat. Si praeterea nosse quid sit Deus sic est operosum et arduum. Ut Plato Deum inuenire difficile, nosse uero impossibile iudicauerit, et Symonides rogatis

Ps. 16.

à Dionysio quid Deus esset, tres dies ad eam questionem explicandam pos-  
 sit uluit, deinde alios tres, rursum & alios, & quo magis in huius rei con-  
 sideratione demersus diuinam naturam humanis uiribus inuestigabat, eo se-  
 minus intelligere confitebatur: Si non modo philosophi, sed sanctissimi &  
 sapientissimi theologi facilius et expeditius esse dixerunt, quid non sit, quam  
 quid sit Deus explicare: quis poterit, quis qualisque sit Deus, non dicam  
 exprimere dicendo, sed mente saltem & cogitatione complecti? Si angeli  
 stupefacti & attoniti cum Christum ascendentem in cœlum conspicerent,  
 percussi quadam admiratione clamabant, Quis est iste qui uenit de Edom  
 tinctis uestibus? Quis est iste rex gloriæ? & illis uerbis huiusce rei igno-  
 rationem apertissime confitebantur. Si Esaias, cum atrocissimam illius mor-  
 tem uiuis coloribus depinxisset, exclamat generationem eius quis euarra-  
 uit? Si Paulus gentium doctor sublatus in cœlum & in illa consilia diuini-  
 tatis admissus, cum illa secum perpenderet in has uoces prorrumpebat. O al-  
 titudo diuitiarum sapientiæ, & scientiæ Dei, quis audebit in illam purissi-  
 mam, simplicissimamq; sacræ triadis naturam sine temeritatis & impuden-  
 tiæ nota curiosos oculos inferre? Quis erit tam temerarius, qui quod An-  
 geli, Apostoli, Prophetæ, quod ipsi ciues & incolæ cœlestes ignorant: se sci-  
 re existimet, & explicare posse arbitretur? Exhorrescit animus, & ad tan-  
 tæ rei miraculum attonitus stupefcit, et linguae atq; mentis offitium rei ma-  
 gnitudine longe superatur. Nam licet notus fuerit in Iudæa Deus, tamen  
 ut creator, conditor, auctorq; rerum omnium, ( licet gentibus etiam per ea  
 quæ facta sunt, cognosceretur ) tamen ut rector moderatorq; mundi huius:  
 sed trinum & unum esse Deum, nullus unquam mortalium conijcere aut di-  
 uinare potuit: Nam neque argumentum, neque exemplum aliquod natura  
 suppeditabat, quod lucem aliquam tantis tenebris posset afferre. Diuinum  
 hoc fuit Christi seruatoris nostri & spiritus sancti beneficium, qui Cœle-  
 sti fidei lumine, sic christianorum animos illustrarunt, & in ea persuasio-  
 ne confirmarunt, ut etiam si Angeli e cœlo dilapsi, aliud persuadere co-  
 narentur, fremant licet Demones & diseruentur, licet extrema tyranni  
 comminentur, nulla uis tanta excogitari poterit, quæ ab ea possit senten-  
 tia Christianum populum dimouere. Sunt plane in hac rerum uniuersitate  
 uestigia, sunt notæ quædam & umbræ huiusce rei, fateor: est animus homi-  
 nis ad imaginem conditus similitudinemq; diuinam, qui mente, uoluntate,  
 atque memoria, sacræ triadis naturam adumbret: est in unaquaque re, ue-  
 ritas, bonitas, & essentia: est sol hic splendidissimus, qui natura, lumine, &  
 calore, aliquam ( licet obscurissimam ) huius rei significationem exhibere  
 uideatur: est nescio quæ diuinitas, quam Pythagorica philosophia in ter-  
 nario numero latere arbitrabatur. & nescio quid quod ueteres philosophi  
 hac

Esa. 63.

Psal.

Cor. 53.

Rom. 11.

Psal. 75.

Rom. 1.

Gal. 1.



hac de resuscipiebantur: sunt præterea quamplurima ueteres instrumenti  
 testimonia: est nouissima populo Israelitico sacræ triadis exhibitæ signifi-  
 catio: fateor: sed quis obsecro mortalium ijs uestigijs ad cognoscendam Tri-  
 nitatem unquam progressus est? Quis hæc animaduertit quousque orbis &  
 seruator, & doctor, re explicata, præbuit ansam, ut eius rei cuius cognitio  
 nem homines diuino beneficio fuerant adepti, exemplum postea aliquod in  
 hac rerū uiuersitate conquirent? ille ueteres excussit umbras & illa cu-  
 bilia in quibus delitescere aliqua huiusce rei significatio uidebatur indica-  
 uit: ille reuoto uelamine in sancta sanctorum humanæ mentis aciem penetra-  
 re fecit: ille tribuit eam nobis facultatem, ut quod ipse docuit iam audea-  
 mus explicare: ille effecit, ut non modo Deum & unicum Deum, sed tres si-  
 mul in unitate naturæ personas agnoscere mus. Patrem qui fons est, origo,  
 atq; principium totius diuinitatis, cui tribuitur æternitas sine principio,  
 bonitas immensa, quæ neq; in conferendis beneficijs defatigari, neq; ingrati-  
 tudine aut sceleribus hominum exhauriri: potentia quæ nulla senectute, frā-  
 gi, debilitariq; possit. Filium uero (hoc est) diuinum uerbum in ipsi pater-  
 næ mentis uisceribus conceptum ex immensa rerum cognitione genitū, qui  
 splendor sit species, figura, & expressissima imago paternæ illius diuinæq;  
 naturæ, riuus ex uberrimo fonte, radius ex sole splendidissimo porrectus,  
 cui sapientia ipsa dicata atq; consecrata est, in quo lucent & splendent re-  
 rum omnium imagines, cuius præsidio omnia pater confecit: qui Deus cum  
 esset misericordia motus, non modo ad uile abiectaq; hominis conditionē  
 se dimisit sed & postremas contumelias, mortemq; descendit ut morte sua  
 uitam hominibus, libertatemq; restitueret: & ut illis esset uia quæ errare;  
 ueritas quæ decipi: uita quæ mortales interire nulla ratione pateretur. Spi-  
 ritum uero sanctum ex illis amoris flammis quibus se pater filiusq; comple-  
 ctuntur procedentem, qui bonitatis fons, charitas ipsa, & pignus esset cœle-  
 stis hereditatis: à quo pax, gaudium, solatium, à quo iustitia, integritas in-  
 nocentia, à quo sapientia, bonitas constantia, à quo libertas, sanctitas, per-  
 fectio, omnia denique cœlestia munera beneficiaq; promanarunt: à quo illu-  
 strati Prophætæ, pastores eruditi, apostoli confirmati & inflammati sunt: 2. P. 1.  
 ita tamen ut cum audiamus tres illas diuinas personas nominari: non intel-  
 ligamus unitatem illam simplicissimam naturæ diuinæ trium personarum  
 numero aliqua ratione uiolari, quominus, licet tres sint persone distinctæ,  
 unaque alia non sit, omnes tamen unus sint simplicissimusq; Deus. Et quam  
 quam Patri potentia, filio sapientia, spiritui sancto, bonitas tribuatur, non  
 sic accipiendum ut quod uni conceditur cæteris auferatur, cum omnes ean-  
 dem uiāq; bonitas, æternitas, sapientia, diuinitas, potentia, maiestas, gloria,  
 beatitudoq; complectatur. Itaq; ab hac diuina admirabiliq; natura cum de

Heb. 6.

Heb. 1.

Ioh. 14.

ea loquimur, diuersitatis uerba longe remouenda sunt, ne iniuria aliqua simplicissimam unitatem afficiamus; tum uero diuisionis ne simplicitati, disparitatis ne equalitati, separationis ue tãtã necessitudini, dissimilitudinis ne et unitati, singularitatis ne triadi, perturbationis ne ordini: solitudinis ne sacrosancto illi trium personarum consortio uim aliquam, aut iniuriam imprudenter inferamus, sed simplicissimam illam purissimãq; sacrę triadis unitatem quam docuit Christus, sua sit spiritus sanctus, celebrarunt apostoli confirmarunt concilia ecclesia edocta diuinitus explicauit, & hodie proponit adorandam supplicibus nunc animis ueneremur. Sed quo me rapuit insania? Quo me per immensum hoc pelagus temerarius ardor, furorq; prouexit? quod ingredi angeli reformidant, & in quo tot Arrij, Macedonij, Sabelij, Eunomij, Marcelli miserum fecere uaustragium? Complicemur igitur uela & placidum aliquem securumq; portum occupemus, ne fragilis, leuissq; nostra cymba longius prouecta inter confragosas cautes ijs tantis difficultatum fluctibus obruatur; & hanc tantum Dei maiestatem quam assequi cogitatione non possumus, prouid, atq; supplices silentio, & admiratione reueramur; gratulemur q; sanctissimę triadi, quod cum hoc misero & calamitoso seculo, omnia ferme Christiana dogmata ab hostibus conuulsa & labefacta sint, illa ex hoc tanto incendio salua & incolumis euolauerit, piissimęq; matris Ecclesię exemplum uestigiãq; sequamur, quę cum dignam hoc tanto mysterio orationem inuenire non posset, quod non assequitur exclamationibus colit, & in illas uoces plenas admirationis laudisq; prorumpit. O adoranda trinitas, o ueneranda unitas, o perfecta deitas: tibi laus, tibi gloria, tibi gratiarum actio in sempiterna secula.

S E D uenio iam grauiß. Pat. ad alteram orationis nostrę partem, & huic loco, & his temporibus magnopere accommodatam ad Christi seruato ris nostri uaticinium, ad eas inquam arumnas & calamitates explicandas, qua Veritas euangelica passa est; in qua cum tot ecclesię acerbissima uulnera, se nostris oculis obijciant, uix se potest mecus animus ingenti dolore & commiseratione præssus continere, quin mortiferas & insanabiles eius plagas, iustissimis lacrymis & lamentatione prosequatur. Quis est enim tam ferreus qui in tanta malorum acerbitate lacrymas possit continere? Qua in parte mihi uisa est ecclesia sponsi dulcissimi Christi in iniurias atque cruciatus imitari. Nam sicut ille uerberibus cæssus sic est dehonestatus ut (quemadmodum uates Esayas multo ante cecinerat) non modo in eo decor aliquis aut pulchritudo, sed neque hominis forma aut spectes appareret: sic etiam Ecclesię pulcherrimã faciem, turpissimis erroribus dehonestatã; deformatam uideamus, & sicut ille tot plagis & uulneribus affectus est, ut nullus in eo locus sanus conspiceretur, qui nouo

vulnere excipiendo petere possit: sic nullum est ecclesie membrum quod ali-  
 quod hostium telum non exciperit: & quemadmodum ille ab ipsa infantia  
 pericula discriminaq; mortis subire & innumeros labores perferre consue-  
 uit, sic illa impias & sanguinarias carnificum manus & hostilem heretico-  
 rum audaciam inter ipsa crepundia experta est. Nam cum tria sint hostiū  
 genera, infesta euangelicæ ueritati, primum tyrannorum qui crudelitate et  
 gladijs armati inauditis tormentorum generibus homines ab illa reuocare  
 & Christi sanctissimum nomen delere conarentur: alterum eorum qui Chri-  
 stianæ doctrinæ puritatem sicut improbiſſimi illi senes Susanna pudicitiam  
 uitare atq; corrumpere studerent: tertium eorum qui autore Paulo, ueria-  
 tatem Dei in iniustitia detinent, hoc est illorum qui prauis moribus, & per-  
 dita uita, uim etiam inferunt ueritati, ut illam elucere minime patiuntur:  
 ij omnes hostes statim in ipsiſ exordiis nascenti religioni bellum accerria-  
 mū indixerunt, nec passi eam adollescere ut uiribus cōfirmata se colligeret,  
 & cum illis æquo Marte congredi potuisset: infanti adhuc ecclesie & in ip-  
 sis incunabulis uagienti iam ipsi insidiabantur. Tyrannorum sane cæca ra-  
 bies & insania, auctoritate & potentia munita, in Christianorum innocen-  
 tiam, omni nudam atq; destitutam præsidio, impune, crudeliterq; se uiebat:  
 & eo atrocitius, atq; crudelius, quod ea ratione Dei se partes agere, & se il-  
 li gratissimum obsequium exhibere arbitraretur. Rapiebantur itaq; tūc qui  
 Christo nomen dedissent ad tribunalia iudicum, & abstracti ex ipsa Chri-  
 sti schola & Ecclesie complexu, tractiq; ad carnificinas, opprobrijs &  
 contumelij affecti, uexati, torti, indicta causa condemnati ad supplicia cru-  
 delissima deducebantur. Sed o res stupore & admiratione dignissima, uexa-  
 ta tunc, & delacerata ecclesia inter ipsas tamen carnificum cruentas ma-  
 nus, maiora in dies suscipiebat incrementa; & illorum qui pro Christo mor-  
 tem oppetebant effuso sanguine ueluti sparso semine noui Christiani nasce-  
 bantur. Vt mihi quidem sapienter Tertulianus martyrum sanguinem Chri-  
 stianorum semen appellasse uideatur: & Augustinus, qui multo dixit esse  
 pulchriorem euangelicam ueritatem Græcorum Helena, pro qua multo for-  
 tius martyres contra Sodomam, quàm pro illo Græci contra Troiam dimi-  
 cauerunt. Sed quamquam hoc hostium genus atrocissimum fuerit, quod ec-  
 clesie sanguinem semper exorbere cuperet, & illo suas passiū secures cru-  
 entare, tantum absuit ut id quod optabat assequeretur, ut morte ipsa, qua  
 existimabat se posse nascentem religionem extinguere, fouerit & locuple-  
 tauerit: & dum crescenti Christi gloriæ inuidet, illam multo rediderit illu-  
 striorem. Sed illud est longe atrocitius, atque crudelius eorum hominū, qui in  
 Ecclesia nati, ex illius uisceribus progressi, in eius gremio atq; sinu educati  
 in illius schola eruditi, eius sanctissimis præceptis instituti, et sacramēto au-

Dan. 13.

Rom. 1.

Ioan. 16.

florati ab illa turpiter defecerunt: & in sanctissimam, pijsimamq; matrem  
contumeliosi, in sanis erroribus illius tranquillitatem pacemq; turbarunt:  
& charissimos eius liberos illa miserabiliter flente & collucrymante ex  
eius saepe complexibus abstulerunt, ut quæ modo in ipsas Tyrannorum ar-  
matas manus, nuda, inermisq; coniecta, non modo partem dignitatem con-  
seruabat sed augebat: nunc prob. dolor, non liceat illi per filios collectam tā  
tis sudoribus & sanguine gloriam retinere. Quæ quid acerbius & calamita-  
tosius excogitari potest? Conferte Grauis. Pat. Tyrannorum potentiam cū  
hæreticorum audacia, & inuenietis tanto maiora damna & acerbiores in-  
iurias ab hæreticis quam à tyrannis ecclesiam accepisse, quanto est atrocius  
intestinum domesticumq; bellum, quam externum: tātōq; nunc illam esse ne-  
stio rem quanto est funestius & calamitosius, matrem à filiis quam ab hosti-  
bus dilacerari. Multi antiquis temporibus ecclesie hostes extiterunt, non  
est necesse commemorare uos ipsi grauis. Pa. recordamini, qui illam uarijs  
& miserabilibus modis afflixerunt: sed nunc quis est qui maestissimam eius  
faciem flecibus oculis possit intueri? Habuit quondam Tyrannos qui illam de-  
lere, Hæreticos qui discerpere, & distrahere conarentur: sed nunc non sim-  
plices Tyrannos, non nudos & inermes hæreticos, sed cum hæresi coniun-  
ctam tyrannidem, armatam contra se iam hæresim intuetur. Vidit quōdam  
Iulianum aliquem, uidit Honoricum suum, Vandalorum Africa regem, Ar-  
rianis fauentem, illisq; bona atq; templa restituentem, sed nunc uix potest  
coniuratos contra se principes numerare. Vidit aliquando unam aut alterā  
prouinciam hæresibus infectam & contaminatam, nunc uero ab ultima scy-  
thia, ad extremas usq; Europæ partes, totum penè Christianum orbem ue-  
luti fretum aliquod aut Euripum erroribus aestuare: & non modo inquinæ-  
tas prouincias, regna, atque nationes, sed perditas iam & profligatas: non  
solum apertos hostes, sed occultos etiam inter ipsa filiorum latera cum ma-  
ximo eorum periculo uersari. Vidit quondam Encratitas, Catharos, Euchis-  
tas, acerrimos sanè hostes, sed qui prætextu uirtutis, (unde nomen sortiti  
sunt) se in Christianorum animos insinuarēt: nunc uero nullo religionis præ-  
textu, sed specie quadam improbiſsimæ libertatis cuius amore perniciosissi-  
mæ ſouentur opiniones, in Ecclesie pernitiem irruere. Vidit unum aut al-  
terum dogma christianum, labefactari, nunc integram religionem euerſi.  
Sensit membrum aliquod Ecclesie uulnerari, nunc uero totum illius corpus  
faucibus atq; cruentum intuetur. Vidit oppugnari aliquando fidem à perſi-  
dia, lucem à tenebris, ueritatem à mendatio, Christū ab ante Christo: nunc  
uero sacrilegium enim hæresi coniunctum & copulatum conspicit. Videt. n.  
spoliari templa, aras euerſi, omnibus ornamentis sana nudari, contemni le-  
ges, subſanari pontifices, irrideri sanctos, patriam auitamq; fidem deserui.

Et quod est miserabilius, hostium gladios atque secures ipsi in ecclesiam ceruicibus imminere, trucidari catholicos et ipsas Christi sanctissimas aras illorum sanguine madere. O rem acerbam et calamitosam obsecro nos obtestorque, sanctissime. Pat. ne moleste feratis hoc in loco has ærunnas ecclesie et miserrima naufragia sepe referri, et aures animosque uestros illorum commemoratione uulnerari. Liceat obsecro maestissima matri apud charissimos filios lugere, ac lamentari suam infelicitatem, liceat uulnerate, atque faucibus acceptas plagas, et grauissima uulnera medicis detegere, liceat afflictæ sponse ad sponsi dulcissimi pedes prouolutæ conqueri, de iniurijs, infortunijsque suis: liceat illi hac saltem frui consolatione quando alia non potest: ut uos qui illius filij, qui sponsi, qui pastores, et medici estis, misericordia commoti, erigere iacentem alligare illius uulnera et consolari lamentantem maiori animi ardore et contentione studeatis. Utinam mihi celestis spiritus illam uim dicendi tribuisset ut hanc tantam cladem et stragem ecclesie uestris nunc oculis subicere potuissem, non dubito quin non modo uos qui illius uicem sortemur, doletis, sed saxa ipsa atque lapides flere et lamentari cogissem. Non enim iam, hæretici sed monstra non hæreses sed sarræ in christiana Republica uersantur. Nam scripturam diuinam corrumpere, et deprauare, maiorum instituta contemnere, doctorum auctoritatem negligere, conciliorum decreta despiciere publicæ paci et tranquillitati inuidere, hæreticis omnibus commune semper fuit et institutum sed bellum acerrimum, et calamitosam aris, templis, altaribus, imaginibus, legibus, sacrificijs inferre, sacra uicinia delere, et illa unica hostia corporis et sanguinis Christi, christianas aras spoliare, ius omne cerimoniarum auferre in omnes sacerdotum ordinis impudenter inuenientes, sensus, sermones, libros, ira, odio, et stomacho ardere, non modo infestissimis animis sed hostilibus armis uelle religionem funditus euellere, atque delere, hoc sane huius ætatis infelicissimæ proprium est, ut nisi firmum staret Christi seruatoris nostri promissum in ferorum portas frustra contra ecclesiam esse conaturas, nunc mihi de illius interitu reformidandum esse uideretur. Quid ego grauiss. Pat. in uestrum sanctiss. orationem iactatas referam contumelias? memoriae proditum est Arrianos conatos fuisse ecclesie pastores qui illorum furori acriter resistebant de medio tollere: itaque Antiochiani, Eustacio, Andrianopolim Eutropio, Constantinopolim Paulo, Alexandriam Athanasio, Italiam Dionysio, Galliam Paulino, nefarie priuauerunt. Ut sublati gubernatoribus (sicut dixit Cyprianus) ipsi liberius circa ecclesie naufragia crassarentur. Nunc uero nostri seculi homines non contenti Angliam uniuersam, magnamque Germanie partem orbatam pastoribus reliquisse, et cæteris iam etiam principijs insidiari, clauum totius ecclesie à Christo seruatore nostro Rom.

Mat. 18

Pont.



Pot. traditum, o singularē audaciā! ex illius sanctissimis manibus extorque-  
re nituntur: quinetiā & Carolo inuictissimo Imperatori & Christiane re-  
ligionis assertori imperiū aliquando auferre conabuntur: ut ijs duobus lani-  
nibus extinctis cineribus ipsi tenebras in Christianam remp. inferrerēt. Quid  
ego tempestates ab illis excitatas commemoron? Quid Ecclesia bona dire-  
pta? Quid seruos contra dominiū armatos, & tercēta hominum millia tru-  
cidata? Quid trecentum in Franconia sfoliata monasteria? & illa quæ nūc  
ceteris in prouincijs passim deripiuntur? Quid combustas publice sanctissi-  
mas Ecclesie leges? Quid Solemanum infestissimum Christiane religio-  
nis hostem ab illis sollicitatū ut Christi sponsam sanctissimis Turcarum ar-  
mis dilacerandam obijcerent? Sed hæc uetera, quid illas pugnas, perturba-  
tiones, incendia, cædesq; quotidie ad aures uestras tanto cū omnium dolore  
differuntur? hoc cūne est esse Christiano? hoc cūne est esse euangelico? hoc cū-  
ne est esse Christi discipulos & imitatores? O tempora misera & infœlia-  
cissima, qui questus, qui mæror, quæ lachrymæ, quæ oratio digna his tantis  
malis inueniri potest. Quid primum conquerar, Patres? nunquid illorum in-  
teritum qui ab ecclesia defecerunt deplorabimus? O Galatæ, quis uos fasci-  
nauit non obedire ueritati? O clarissima Germania cui Ecclesia Romana si-  
mul cum religione sanctissimum quoq; tradiderat imperium, ut cuius fidem  
constanter retinebas illius etiam dignitatem contra hostiū iniurias uictori-  
cibus armis conseruares. Quo animo & quo uultu illam et arma sacro san-  
cta quæ ad eius salutem tuendam tuæ fidei commissæ sunt, in materna uiscer-  
a conuertere potuisti? Quis religiosissimam gentem subuertere, sapientis-  
simam decipere, fortissimam & constantissimam ab inueterata religione po-  
tuit deturbare? Tuq; etiam Christianissima quondam Gallia, quæ ob eximiā  
pietatem & religionem hereditarium hoc nomen à maioribus acceptum il-  
lesum atq; inuiolatum tot seculis conseruasti, quæ tot habeas domestica exē-  
pla region sanctissimorum, quæ tantam gloriam eras adeptæ ut nullum esset  
regnum, nulla natio, nulla prouincia, in qua non Gallorum uestigia religio-  
nis gratia impressa conspicerentur: nullaq; tam semota regio in quam tuæ  
pietatis fama non penetrauerit: Quis te fascinauit non obedire ueritati?  
Quis è tanta gloria deiecit? Quis tibi hanc tantam inuidit felicitatem?  
Teq; etiā Anglia, uosq; reliquas nationes ceterosq; mortales appello qui  
matrem sanctissimam ecclesiam deseruistis: Quis uos ab ecclesia Romana,  
quæ est sponsa Christi, quæ est archa Noe extra quam non est salus, quæ est  
columna & firmamentum ueritatis, quæ est sancta illa ciuitas Hierusalem  
segregauit? & paucorum hominum temeritati & audaciæ parere fecit?  
Quis uos fascinauit non obedire ueritati? Respicite fratres aliquando, et  
hōs Syrenum cantus qui uobis falsa quadam libertatis specie blandiuntur,

sed



sed letalem somnum comminantur, fugite, & pijs sine matris ecclesie uocem agnoscite, & filiet atq; calamitose & interitus uestri dolore confecti miseremini: Que nunc uos magnis ad se uocat clamoribus, que sinu redeuntes excipiet, que consertis brachijs uos summa beneuolentia complectetur, que saeuum calamitatum amplius non recordabitur, que lata lege obliuionis acceptas iniurias sempiterno conteget silentio: Quam quidem maestam sordidatam lugubri habitu, obortis lacrymis ad genua uestra prostratum sic uobiscum agere existimate. Quis uos filij mei charissimi a meis complexibus abstraxit? quis precepta mea tam longa seculorum serie, tot sacrorum conciliorum & doctorum auctoritate firmata docuit negligere? cur illam uiam quam apostoli martyres, pastores, tot doctissimi, & sapientissimi homines ingressi sunt, quam & Christi & martyrum sanguine tinctam uidetis, deseruistis? stupeat celum, me fontem aque uiue dereliquistis, ut pertusas & dissipatas cisternas sequeremini? Cur meo sacramento autorati milites, parentis signa deseruistis? Cur meum suauissimum iugum est uestris ceruicibus expulsi? Quod ego tantum contra uos concepi scelus, ut quos genui in Christo, quibus uitam dedi, quos lactaui, quos indulgentia materna foui, quos in spem celestis hereditatis crexi, pro quibus nunc & preces & lacrymas fundo, uos discipuli in magistrum ingrati, filij in matrem crudeles, amici in sponsum sitis contumeliosi? O & me miseram & uos infortunatissimos. Sed emergat iam ex ijs uadis oratio, & istos doloris atq; lacrymarum scopulos preteruicta se tandem ad inuestigandum aliquod tantis malis remedium, commolendamq; mestissimam matrem conuertat: qua in parte quem primum inuocauimus patres? Cuius auxilium implorauimus? Nunquid Dei? at uereor ne peccatis & sceleribus nostris offensus, auertat oculos, aures ocludat, & illud nobis supplicantibus quod olim populo Israelitico respondeat. Ne omnia & sabbata uestra odiuit anima mea. Neque enim ullam aliam tantorum malorum causam extitisse arbitror, quam populi Christiani flagitia. Propter peccata tua (inquit Deus per Hieremiam,) alloquens Veterem ecclesiam) relinqueris sola ab hereditate tua, quam dedi tibi & seruire te faciam inimicis tuis. Ego sane Grauis. P. cum miseram horum temporum conditionem, et calamitosum rerum statum considero, uideor uidere incensam iram atq; indignationem Dominum, euaginato gladio sponsam ob filiorum scelera uulnerare, & illi seruitutem atq; solitudinem comminari. In tantis uero malis uincum uideo esse remedium presidiumq; lacrymarum, ut ploremus coram Domino ut tantum istud incendium in Ecclesie fortune excitatum expressis dolore peccatorum lacrymis restinguatur: ut sacram quam hodie colimus triadem inuocemus, ut conuiuentem in nostris calamitatibus Dominum, & ueluti nostris malis indormientem illis regij uatis uocibus excitemus. Exur

ge Domine quare obdormis, exurge & ne repellas in finem, quare obliuiscaris inopia nostra, & tribulationis nostre. O pater celestis nunquid ecclesiam quam tibi atrocissima filij morte consecrasti, iucendi nunc ab hostibus, diripi, atq; uastari, patieris: cupis ne fortassis in alias illa puriores sedes transferre? & sicuti quondam Hierosolyma, Asia, Græciaq; templa, nunc etiā reliquæ Eutrope sanctissima domicilia tuorum martyrum sanguine consecrata ab hostibus occupari sines? si nihil nostris præcibus, si nihil ecclesie lacrymis, si nihil eorum qui passim iam pro tua gloria trucidantur sanguine uocibusq; moueris, respice in faciem Christi tui: ut hæc tua instissima indignatio peccatis nostris sceleribusq; concepta, illius conspectus uulneribus pro nostra salute susceptis mitigetur. Teq; etiam humana libertatis assertor atq; magister Christe Iesu spes unica solaciunq; mortalium, e cuius cruentis uulneribus simul cum sanguine mortalium salus, uita, foelicitasq; promanauit te inquam appellamus, nunquid spose cuius causa mortem atrocissimam subissi obliuisceris? nunquid oues nota crucis inustas, quæ signum semper salutis fuit, à lupis misere dilacerari permittes? nunquid non illas iā inuicorum uoces in uos iactatas exaudis: ubi est Deus eorum: quibus nihil esse potest uel tue clementie contumeliosius, uel ad nostram calamitatem acerbius. Teq; spiritus sancte qui ueritatis splendidissimo lumine christianorum animos illustras, nunquid patieris ut omnia nunc tenebris errorum occupentur? Teq; uirgo sanctissima pijsinuag; mater, quā uoluit Christus esse ueluti aram religiosissimam, ad quam in rebus afflictis & calamitosiss confugeremus, quam omni honore, & tuo nos patrocinio spoliare homines perditissimi conantur. Teq; princeps Apostolorum Petre cuius humeris hanc molem ecclesie Christus imposuit, cui clamum eripere cuius successores Pontifices Romanos è sede deturbare nituntur. Vosq; fortissimi martyres, felices anime, incolæq; cælestes quos ecclesie custodes, mortaliumq; patronos Deus esse uoluit, quorum immortalibus meritis minime nos adiuuari ecclesie hostes arbitrantur, uos (inquam) omnes imploramus, uos hanc funestam flammā à uesteris altaribus ab ecclesia Christi & Christianorum mentibus remouete: ut hic tantus impetus quem humana imbecillitas sustinere non potest, diuina uestra uirtute comprimat. hoc est unicuique singulareq; perfugium sanctissimi Patres. Vt ad diuinam clementiā, ad uocem, præces & lacrymas confugiamus. Quod si ullum ab hominibus ecclesie sperare auxilium potest id nunc totum in uobis situm & collocatum est: uos illam consolari, eius lacrymas abstergere, uos illius sordes ablucere, & pristinum illi splendorem restituere potestis: uos illa nunc per Christi crucem & sanguinem obsecrat, & obtestatur, ut afflictæ & calamitosæ matri subueniat, ut iacenti porrigatis manum, eripiat ex hoc miserrimo naufragio

fragio, & ereptam in portu aliquo ubi conqueſcat, ſaluam & incolumem collocetis, uosq; imprimis appellat Illuſtriſſimi Legati, quos diuina bonitas in hoc altiſſimo Eccleſiæ ueritate collocauit, ut omnia circumſpicere uide re, & illuſtrare deberetis, quos hac purpura exornauit, ut mortis Chriſti admoneret, & ut illam ſi eſſet opus rubicundiorẽ effuſo pro Chriſti gloria ueſtro ſanguine redderetis. Vosq; etiam ſanctiſſ. Pat. quos Cœleſtis ſan pientia paſtores & eſſe & appellari uoluit ut nullum periculum aut labo rem recuſandum, ſed crucem etiam atq; mortem pro ſalute omium & eccle ſiæ dignitate ſuſtinendum arbitrarentur, uos inquam omnes appellat ueſtrā fidem implorat, uos obſecrat, ut uiam nunc inueſtigetis, qua ſi non priſtintē decorem recuperare has ſaltem quæ ſuperſunt reliquias contra furorē ho ſtium tueri conſeruareq; poſſit. Ad quam quidem rem obtinendam ſunt qui ueterem illam ſeueram morum diſciplinam in primis reuocandam arbitren tur, quorum ſententiam quis eſt qui non prebet? qui non ducat ſalutarem, & ad placandam diuinam indignationem magnopere pertinere non uideat? il las audio grauis. Pat. tota Germania iactari uoces: fides antiqua, mores an tiqui. in quibus ſicut eſt aliquid quod probem ſic etiam eſt aliquid quod mo leſtiſſime feram & grauiffime dolendum atq; reprehendendum putem. Illis etenim uerbis primo ſignificant ſe non ob aliud ab antiqua fide degeneraſſe, qua quod nos ab antiquis moribus deflexerimus. Quod quis non intelligat ſummopere eſſe deplorandū? Quid enim poteſt indignius excogitari quā tanti ſcleris culpam in eccleſiæ corruptos mores tranſuſiſſe? An quod me ignaum uideris militem, tibi tranſugam & proditorem eſſe, licere exiſti mabis? Quod ego ſim ambitioſus, tu parricida? Quod ego ſuperbus, tu in Deum & ſanctos contumelioſus? An quod gubernator dormiat aliquando, & qui in naui ferūt ſint proſtigatis moribus tu nauim pſorabis? Quod domeſtici ſint improbi, tu domum incendes? Quod ciues ſint iniqui, tu ciui tatem hoſtibus diripiendam dabis? O ſummam hominum cecitatem. Sed quā quam illorum cecitas lacrymis ſit & commiſeratione digniſſima, qui hac occasione tantum in ſe ſcelus admittendum putauerunt, nos tamen illorum reprehentiones, tacitas quaſdam Chriſti ſeruatoris noſtri uoces, ſuam eccle ſiam per inimicos excitantis & admonētis exiſtimare debemus: præſertim cum illi hac potiſſimum uia ad expugnandam eccleſiam ſeducendāq; popu larem multitudinem progrediantur. Nam ſiquid eſt in Eccleſia deprauatū, ſiquid corruptum & contaminatum, id ſolum curioſiſſime notatum in unū quaſi, acerrum congeſſerunt, id habent innumerato, id in gymnaſiis, in ſug geſtis, in publicis priuatiſq; colloquijs, in templis, in foro, in angulis, in con tionibus, in omnibus hominum circulis, id inquam unum ſermonibus & li bris populo iactant, hoc unico argumento, & errores tuentur, nos in odiū

la præsidia & adiumenta, quæ nullus mortalium (in tanta præsertim rerũ  
perturbatione) non dicam sperare, sed neq; optare unquam potuisset. Vota  
per totum orbem Christianum, huius rei causa suscepta sunt, omnibus ome-  
niũ ecclesiarum altaribus supplicatur, continuis precibus & lachrymis di-  
uina sollicitatur misericordia, habetis sanctissimorũ patrũ, doctissimorũq;  
hominũ frequentiam innumerabilẽ, habetis Clarissimi imperatoris, potentis-  
simorumq; regum, rerum publicarum, principumq; Christianorũ legatos,  
quorum dulcissimo conspectu recreatur ecclesia & sibi uobisq; summã se-  
curitatem pollicetur: qui non modo consilio, atq; prudentia, sed armis etiam  
atq; potentia auctoritatem & decreta uestra fortissime tuebuntur. Quæ  
quidẽ omnia Pij, quarti, Pontificis Max. domini nostri singulari beneficio  
adepti estis: qui ut Ecclesiæ subueniret, nullis laboribus, sumptibus, impen-  
sis, parcendum iudicauit: qui omnes principes Christianos, oēs ecclesiarum  
omnium pastores, ad tuendam illius dignitatem, quam & uita & rebus om-  
nibus chariorem ducit, tanta sollicitudine & industria è suis sedibus exci-  
tauit, ut mihi quidẽ in rebus prope desperatis, signum aliquod salutis su-  
stulisse uideatur. O Pater sanctissime, cuius cum ego flagrans studium in  
cogendo concilio, in tot pastoribus conuocandis, in tot regum, principumq;  
christianorum accersendo præsidio, in sollicitandis etiã ipsis christianæ re-  
ligionis hostibus omni beneuolentiæ significatione, cum hæc inquam omnia  
tacita mentis cogitatione perpendo, te quidem diuina bonitate & clemen-  
tia in hac tẽpora infœlicissima reseruatũ intelligo: quibus præter te nullus  
alius subuenire, aut mederi potuisset. Fruere P. Beatissime hac tâta tua glo-  
ria & fœlicitate, te totus christianus orbis assertorẽ suæ libertatis agno-  
scet: tibi non homines modo, sed angeli, et, ciuesq; caelestes plaudent & gra-  
tulabuntur: tibi se ecclesia suã salutẽ debere confitebitur: tibi Christus cu-  
ius uices geris coronã uirentibus perpetuo floribus ijs tantis tuis labori-  
bus uirtutibusq; dignã, suis iam manibus intexit, eã sacrosancto ueneran-  
doq; tuo capiti imposturus: tibi non modo præsens seculũ, sed ipsa posteri-  
tas gratulabitur, & hanc tuã pietatẽ incredibilem, quã & operibus, & no-  
mine profiteris, sempiternis laudibus celebrabit. Quid igitur restat. G.  
Pa. ut finẽ aliquando dicendi faciamus, nisi ut quãdo neq; tẽpus cõmittatis,  
neq; maiora q̃ illa, quæ nunc habetis præsidia, sperare potestis, summa cele-  
ritate, & festinatione, in qua ego oẽm spem sitam & collocatam arbitror,  
ad stabiliendã & confirmandã ecclesiã remis uelisdq; (q̃ aiunt) contendatis.  
Nostis optime Sanctiss. Pat. ecclesias uestras innumerabiles, nunc pastori-  
bus orbata, in maximo periculo uersari: Nostis præterea hanc sanctam sy-  
nodum, sæpe coactã temporum iniurijs, bellorum tumultibus, inimicorum  
insidijs dissolutã, dissipatãq; fuisse: Nostis et Vuitembergeses Theologos  
prin

principem suum, cum exercitu quondam, ad dissipandum concilium armasse. omnia nunc tentabunt, omnia experientur: adest hic uicina Germania, que non mediocriter huiusce rei exitum, extremam sententiam, damnationemq; reformidat: mihi credite, licet in ipsis alpium uisceribus inclusi, ijs tectis satis, atq; muniti montibus, & rupibus uideamini, in hos et angulos subita et inopinata hostium arma penetrabunt: uideorq; mihi aliquando uidere concussam tumultibus orbem, armorum strepitum audire, Anibalemq; ipsum ad portas, hostes inquam ad ista montium ostia faucesq; consistere, uosq; Grauiis. Pat. de fuga solum & salute uestra cogitare, & simul cum fuga discescensq; uestro, miserrime matris ecclesie interitum funusq; contemplor. O rem miserrimam & omnibus seculis deplorandam. si modo (quod Deus auertat) hic tantus, tam illi s. ris, clarissimusq; catus uester, re infecta dissoluatur actum est de religione christiana. Exultabunt aduersarij, ingentes animos concipient, alacres & leti uolitant, se uera sentire, nos errare, nobis inuensionem sibi Deum propitium esse iactabunt, & ueluti iam de nobis parua uictoria gloriabuntur: ecclesia uero omni spe destituta, omni orbat a presidio, quid aget? Quem inuocabit? Quo se uertet? cuius opem, & auxilium implorabit? quem locum hostibus uacuum reperiet quo se ualeat recipere? quam sibi imposterum spem pollicebitur? nunquid ut iterum synodus cogatur? nunquid sperare poterit ut hac unica spes, toties iugulata reuiuiscat? Quis potius metu exanimata, omni spe destituta, preterite calamitatis memoria, & impendentis timore confecta cædet misere suis hostibus, in triumpho captiua ducetur, & in prædam illis exhibita, se ab illis dilaniari, dilacerariq; patietur. Quæ quidem mala ne illi eueniant uobis Gra. Pat. celeriter prouidendum est. Efficite nunc cum silent arma, cum nondum hic bellorum strepitus exauditur. cum omnes in summam spem uolunt uestris pendere sententijs, Ecclesie salutem contineri arbitrantur. Cum oracula huius concilij ab omnibus prouincijs suspensis animis, tanquam unicum & singulare tantorum malorum remedium spectantur: ne frustra de sapientia consilioq; uestro totus christianus orbis sperasse uideatur. Efficite Pat. ut uel illas prouincias quas nondum furor hostilis in uastitas, firmas, atq; constantes, decretis uestris sanctissimis conseruetis, uel quod ego de diuina bonitate uestraq; sapientia mihi polliceor, ut cor illud unum & unica anima, quam spiritus sanctus, omnibus christianis noluit & fecit esse communem, & quorundam licentia multis nunc erroribus distraxit atq; dissipauit, iterum diuina uestra uirtute coeat & copuletur: ut omnium sit unus animus, una fides, unus spiritus, quorum unus est Deus, unicusq; seruator Christus, cui sit laus decus, honor, gloriaq; sempiterna. Amen.

F I N I S.

